

蠅 原 蠶 蜜 部
螂

蜜 蠟
螫
蜚 蛄

露 蜂 房 蟲 白 蠟 五 倍 子 百 藥 煎 桑 螵 蛸
蟻 螫 水 蛭 蜚 蟲 蟻 虻 蠅
頸 蚯 蚓 鼃

第 二 十 本

蟻 螫 蟻 虻 蠅



南京中医药大学图书馆版权所有

本草述卷之二十七

潛江劉若金先生著

武進薛恮秉之氏校

蟲部

蜂蜜

采取百芳醞釀成蜜其房如脾謂之蜜脾蜜脾之
底爲臘 生巖石上者名曰石蜜 不可與生葱
萵苣同食

氣味甘平無毒

劉完素曰蜜成於蜂蜂寒而蜜

溫同質異性也

主治養脾氣補中和榮衛潤臟

腑通三焦調脾胃除心煩虛熱通大便秘結止痛

解毒除衆病和百藥 時珍曰蜂采無毒之花釀
以大便而成蜜所謂臭腐生神奇也其入藥之功
有五清熱也補中也解毒也潤燥也止痛也生則
性涼故能清熱熟則性溫故能補中甘而和平故
能解毒柔而濡澤故能潤燥緩可以去急故能止
心腹肌肉瘡瘍之痛和可以致中故能調和百藥
而與甘草同功張仲景治陽明結燥大便不通蜜
煎導法誠千古神方也 說曰但凡覺有熱四肢
不和卽服蜜漿一碗甚良又點目中熱膜以家養
白蜜爲上木蜜次之崖蜜更次之也與薑汁熬煉

治癩甚效 嘉謨曰蜜漿解虛熱驟生 希雍曰

蜜蜂采百花釀成故本經味甘氣平別錄微溫無
毒集草木羣英之精合水土風露之氣醞釀成蜜
故其氣清和其味甘純施之精神氣血虛實寒熱
陰陽內外諸病罔不相宜 同蘆根汁梨汁人乳

牛羊乳童便治噎膈大便燥結用此潤之有痰加
竹瀝 煉熟和諸丸藥及膏子主潤五臟益血脈
調脾胃通三焦塗火灼瘡能緩痛

愚按萬物之至味莫過於甘蜂采百花之英釀以
成蜜是和羣味以成其甘也甘屬土故能養脾甘

能解毒。况其集羣味以爲甘。是醞釀之中。大有變化。故其解毒爲最。甘味屬陽。故所益者脾氣。然經曰。陰爲味而歸於形。形歸於氣。蓋先能和陰而後榮衛。故潤臟腑。通三焦。唯其潤臟腑。通三焦。故脾氣益暢。而虛熱能解。時賢諸說不妄。如繆氏所謂其氣清和。其味甘純。施之陰陽內外。罔不相宜者。亦庶幾近之矣。附方 傷寒大便不通用蜜導法。見張仲景傷寒論 產後口渴用煉過蜜不計多少。熱水調服卽止 難產橫生。蜂蜜真麻油各半。碗煎減半服。立下 天口鹵瘡。比歲有病。天行

斑瘡頭面及身須臾周匝狀如火瘡皆戴白漿隨
決隨生不卽療數日必死差後瘡癥黯色一歲方
滅此惡毒之氣相傳漢光武帝建武中興師擊南
所染仍呼爲鹵瘡後醫叅詳療之取好蜜通摩瘡
上以蜜煎升麻數匕拭之疔腫惡毒用生蜜與
隔年葱研膏先刺破塗之如人行五里許則疔出
後以熱醋湯洗去

丹溪曰蜜喜入脾西北高燥故人食之有益東南
卑溼多食則害生於脾也宗奭曰多食亦生諸
風時珍曰多食生溼熱蟲蠹音匿小蟲也小兒尤當

戒之。希雍曰石蜜雖稱補五臟益脾胃然而生
者性寒滑能作泄大腸氣虛完穀不化者不宜用
嘔家酒家不宜用中滿蠱脹不宜用溼熱腳氣不
宜用生者有小毒尤不宜食

修治 時珍曰凡煉沙蜜每斤入水四兩銀石器
內以桑柴火慢煉掠去浮沫至滴水成珠不散乃
用謂之水火煉法又法以器盛置重湯中煮一日
候滴水不散取用亦佳且不傷火也

蜜蠟

蠟乃蜜脾底也取蜜後煉過濾入水中候凝取之

色黃者俗名黃蠟更用水煮化以好絲紙摺作數層入冷水中蘸溼遂貼蠟上一吸卽起仍投冷水中有蠟凝紙上者卽剝取之再吸再剝以盡爲度鋪竹扁內日中曝之乾則頻灑以水久之則色白如練因名白蠟非新白而久黃也與蟲造白蠟不同類惡芫花齊蛤

氣味甘微溫無毒

蜜蠟主治下痢膿血補中續

絕傷金瘡益氣

本經

白蠟療人洩癖後重見白臘補絕傷利小兒

別錄孕

婦胎動下血不絕欲死以雞子大煎三五沸投美

酒半升服立瘥

甄權

時珍曰蜜成於蠟而萬物之

至味莫甘於蜜莫淡於蠟得非厚於此必薄於彼
耶蜜之氣味俱厚屬於陰也故養脾蠟之氣味俱
薄屬乎秋也故養胃厚者味甘而性緩質柔故潤
臟腑薄者味淡而性瀉質堅故止洩痢張仲景治
痢有調氣飲千金方治痢有膠蠟湯其效甚捷蓋
有見於此歟又華佗治老少下痢食入即吐用白
蠟方寸匕雞子黃一個石蜜苦酒髮灰黃連末各
半雞子殼先煎蜜蠟苦酒雞子四味令勻乃納連
髮熬至可丸乃止二日服盡神效無比也此方用

之屢經效驗乃知本經主下痢膿血之言深當腸
膈也 之頤曰蠟爲蜜脾裨助百芳以化蜜也蜜
甘而蠟淡非厚彼而薄此猶夫瓜甜而蒂苦
見中樞之別於本末內外也月令定五行作五味
歸五臟素問另出淡味爲五味本凡形臟不足者
各因其味以補之傾頹者專取淡味以維之本經
判味曰甘此指着舌時猶有蜜味徐嚼之蜜味去
真味現矣 希雍曰蠟乃蜜之凝結於底者也能
益血補中而行經脈 得象牙末等能去漏管長
肉 得膩粉真珠末黃檗末龍腦香鉛丹蛙竹屑



葱白豬脊髓治陰蝕惡瘡 同孩兒茶鉛丹胡粉
木龍骨粉霜龍骨黃檗豬膽汁炙豬膽汁炙豬膽
作膏治內外癰瘡久不愈

愚按蜜蠟其味初嘗之覺有微甘卽轉而爲淡所
謂如嚼蠟者是誠如之頤說也夫五味以淡爲本
乃此味之淡却先有甘於此可思是固從中土而
爲扶危救困之味也先哲曰蠟者蜜之蹠愚謂淡
爲甘之先由甘而淡是返其始也夫淡以養陰此
味入中土之甘而返之於元陰其續絕傷而益氣
者固專於脾胃之陰氣而能續其絕傷也抑何以

不等於諸淡味之滲泄乎。蓋味以淡成，且凝蜜爲質，不等於諸淡，而有以完元陰之氣，卽仲景及金二方觀其與蜜蠟同用者，可以思矣。至如華佗方用之治下痢不納食者，是非能還脾陰之一證乎。又如蠟礬丸治背疽者，用以護膜，非能護其陰氣而得諸礬石之收陰以奏功歟。乃憤憤者止知其能治痢，輒曰此味性瀋而收脫也，則亦不察之甚矣。附方金匱方調氣飲治赤白痢少腹痛不可忍，後重或面青手足俱變者，用黃蠟三錢，阿膠三錢，同溶化入黃連末五錢，攪勻分三次熱服。

神效 千金方膠蠟湯治熱痢及婦人產後下痢
用蠟二碁子大阿膠二錢當歸二錢半黃連二錢
黃檗一錢陳廩米半升水三升煮至一升去米
藥煎至一鍾溫服神效 立效丸治肺虛膈熱咳
嗽氣急煩滿咽乾燥渴欲飲冷水體倦肌瘦發熱
減食喉音嘶不出黃蠟溶濾令淨漿水煮過八兩
再化作一百二十丸以蛤粉四兩爲衣養藥每服
一丸胡桃半個細嚼溫水下卽臥閉口不語日二
蠟礬丸和白礬爲丸治一切腫毒有神凡治癰
疽常服之以護膜膜苟不破雖劇必瘥 蠟礬丸

合二味如分兩鎔化爲丸但大熱則手難丸稍冷則硬不能丸爲旁置冷水一盆待二味鎔化之極乘熱傾入冷水中便可隨手取爲丸矣蠟鎔須盡細渣礬末須極細方好裏大黃丸膈寒涼脾胃無損

希雍曰火熱暴痢不宜用

露蜂房 又各紫金沙卽露蜂房頂上實處是

蘇恭曰此房懸樹頂上得風露者其蜂黃黑色長寸許螯馬牛及人乃至欲死非人家屋下小小蜂房也

氣味甘平有毒 別錄曰鹹 希雍曰味苦氣平

性亦有毒 主治驚癇癰瘰寒熱邪氣癰疾鬼精

蠱毒腸痔火熬之良

本經

治惡疽附骨癰邪在臟

歷節腫出疔腫惡脈諸毒皆瘥療上氣及遺尿失

禁燒灰酒服主陰痿炙研和豬脂塗瘰癧成癰同

熱燒酒浸一刻頻漱治風牙腫痛

以上諸本草

方書

主治積痰久嗽風驚顛掉神昏錯亂療痔證爲多

并止風齒痛

愚按露蜂房之用如時珍謂其以毒攻毒而希雍亦踵其說蓋止就癰疽惡瘡之治以爲言耳夫茲

物豈曰無毒。然閱本經首主驚癇癰瘕寒熱邪氣
癰疾。是證若止以攻毒。而冀其收捷得之效也。能
乎哉。蓋本經數言統是癰證之治。就癰以索其病
因。蓋原於陰中之陽虛也。此趙以德所謂癰病之
本。因元氣虛弱。或外感內傷之邪。由經脈引入於
兩腎動氣中。致陰陽分離。脈道不通。以爲厥逆。卽
經所謂精氣并居。發爲癰疾之說也。細繹趙說。以
合於本經之治癰。專屬此味。豈非謂其賦物雖微。
而於陰陽分離。精氣并居之癰證。固有以奪其精
氣之并。而合其陰陽之離者乎。或者以爲不必然。

試取別錄所治惡疽附骨癰根在臟腑者一細繹之是豈僅僅治其血氣之末而不深入臟腑以爲理者乎然後知本經主治驚癇之義固不妄也又取蘇恭所云療上氣及遺尿失禁更主陰痿然後知用此味以歸陽於陰殆有如本經治癰奪其精氣之并而合其陰陽之離也蓋陰中陽虛者多原於陰虛故感於邪則陽離陰之位以上逆此所謂陰陽分離也是陰氣固爲陽所并亦隨之而上逆矣此所謂精氣并居也然何以明其原於陰虛蓋腎間動氣固在至陰之中所謂傷其陰中之陽者